

貴州通志

貴州通志

貴州通志卷之四十一

藝文

碑記

元

八番順元宣慰司題名碑記

范 涯

八番順元相傳爲夜郎牂柯之表殆古鬼方之境
歟蠻獠種落雜處叛服不常入我國家軍徇其地
諸部悉歸順始置宣慰使都元帥府總戎以鎮之
更貴州爲順元屯駐城中領萬戶府一鎮撫司一
安撫司十長官司五而順元思播三宣撫地皆聽
撫鎮其任重矣然而土官相襲或有爭奪則道路

梗塞外連南詔嶺徼兩江溪洞侵削鬪鬪往往有
之閩政稍弛卽戒不虞故官於閩府者號稱才難
至正十年秋宣慰司都元帥完澤公以省臺宿望
仁勇兼著蒞政未數月號令肅然旌旗改色於是
紀綱立法度行百廢興而大府未有題名何以昭
勸懲乃命立石屬余次序而題著之將鐫刻以俟
來者乃考諸聞見自開闢以迄於今邊政之得失
才諸之崇卑則公論自在將歷指而議之可不懼
哉

賦

司學題名碑記

趙琬

正統六年冬貴州按察司副使濟寧李君睿奉命
往按是邦至則宣揚聖化懷柔遠人人用嚮服乃
益修孔子廟學以敦化源而貴州宣慰司之學實
惟諸州之望君於此尤切注意時按察使蕭田林
君坦副使束鹿朱君理僉事濟南戴君誠左右布政
使宜春易君節左叅政錢塘嚴君泰左右叅議顧
君理汪君詠聞之各出俸以給土木而又壘石爲
塔取常璫慈恩故事考求是邦歷科鄉貢次第書
其姓名歲月刻於其中凡有善行可法而被顯擢
者使人有所感發否則有所儆戒於此可以勸世
勵俗所係甚重非他題名可比謂宜有述可以昭

示永久諸予請記予惟貴州古爲南荒椎髻卉裳
之俗雖唐虞三代之治不能覃被漢唐宋以來不
過羈縻而已逮我國家列聖相承聲教所暨無間
遠邇其人始循禮制稱臣奉貢咸若采衛而建學
立師無異畿甸學者明經登第出而爲世用者往
往與中州士相伯仲然後知皇明統御之大至治
之隆聲名文物之盛與唐虞三代媲美齊休非漢
唐宋所能企及也李君爲朝廷耳目之司循省風
俗乃能不鄙夷遠人孜孜以修治學校作興人才
爲務而於科目士表顯之如此雖然自古賢人君
子亦豈藉此以隆其名哉固將爲當世用也士出

是升於春官入對大廷而顯名大學尙當刮磨淬礪以務求實用顧不備歟陸宣公嘗曰上不負天子下不負所學吾於題名之士有望焉

平越衛儒學碑記

黃紱

皇明大一統極天地之大而有之惟憂惟夷悉臣悉主粵若貴竹古炎荒蕞爾苗區其類鳥言獸舌椎結卉裳習尚刀戈而好勇鬪狠我太祖高皇帝龍飛之初以神武剪其昏狂而納於甄陶之內肇置采衛之兵以鎮之於是平越有衛蓋昉乎此然當是時功化始行而禮法之教未備故學校並興庶官齊建蓋有待於可行之日也歟宣德癸丑宣

宗章皇帝始命建學置官頒篆而隸於衛泮宮講
室則有貴州按察司副使李公睿僉事屈公伸初
焉相土之宜得佳勝於衛西南之隅蓋前隆平侯
爲衛之日所居之址也厥位南向厥勢高廣山水
之清林樾之秀所共鍾萃僉謂協吉遂命指揮王
俊劉璿版築之殿庭門廡講堂齋舍一時畧備擇
俊秀子弟爲之徒而教焉未幾不肖綏謬叨兩第
後之起者接武雲蒸神化之速可見矣正統己巳
諸苗叛亂列城皆圍而平越尤甚兵民困於城中
不能樵採公庭吏廡之楹卒毀爲爨惟學宮僅存
然亦毀瓦畫墁頽垣撤戶曠莫之守師徒散逸而

絃誦不作其不致於廢學也幾希自後至師赫伐
剷除穢亂而修廢舉墜之政必有待於其人而後
行今上皇帝嗣位之初簡命左監臣鄭公忠作鎮
茲土都憲李公浩實巡撫之總制則南寧伯毛公
榮而佐以叅將吳公經監察御史周公源復接治
焉時皆文武眾臣賢良寅協咸欲振作頽風廓清
邊鄙以故衆務修舉庶民子來適襄陽呂侯貴以
錦衣清軍指揮改任於越謁廟之日周視學宮圯
壞缺畧慨然以爲已耳且以其子昇嘗第進士爲
地官主事出自學校乃銳意作新捐俸購材倡諸
寮屬而葺治之櫺星門俱易以石殿庭門廡如墻

階陛咸撤其故而一新之正室神位前則重護以
板屋黝堊丹漆晃耀潔澤外建儒林坊以表之廟
學規制之美輪奐之精視昔爲有加焉經始於成
化丙戌冬十月而以次年丁亥夏四月訖平越之
士夫守吏戍卒民庶奔走觀望合詞歡慶乃以其
成告於總戎毛公聞而嘉之謂綬曰呂昔以金吾
近臣去國來邊畧不以爲窮戚而作新學校思以
成法化民俾聖人之化行於遠方者已晦而復明
學校之教施於邊人者已墜而復舉其爲功利益
有關於風俗之易移苗情之去逆效順格暴爲良
宜以其事刻之於石以垂不朽綬以謏劣後進曩

服官行人以奉宣天子德教爲念而呂侯乃能甲
心於此迄於有成其賢於人也遠矣總戎不沒其
善既稱許而又爲之求記以示永遠豈非有君子
之心得大臣之體者乎是皆可書也故記之以紀
歲月因以告夫士之遊於此者皆當自知其性分
之所固有與其職分之所當爲而各俛焉以盡其
力考求聖經賢傳而講明修齊治平至於忠君孝
親施於有政舉不外於倫理之常以求復其仁義
禮智之性焉庶無負朝廷建學立教之恩與夫衛
侯修廢舉墜之意矣於是乎書

布政司題名碑記

肅儼

洪惟我高皇帝承天肇運混一六合覆載之內悉
主悉臣睹茲貴州在牂柯之西南卽古三苗鬼方
之域歷代所未服者今皆威之以神武而納於職
方始建貴州都司統衛所二十以鎮其地錢穀之
出納刑獄之按治則兼於隣屬迨我文皇帝繼統
守成丕熙洪業永樂十一年乃以貴州漸被治化
復議設布按二司維時魏郡蔣公廷瓚以行在工
部侍郎選任左布政使乘傳而來暫造城外之北
驛館假爲公署而聽政焉時思南思州宣慰司尙
隸湖廣二蠻長田氏梗化不道蔣公奏於朝族其
家遂以地改設思南思州銅仁石阡鎮遠黎平烏

原书缺页

原书缺页

過通使以貢其土物而已我太祖皇帝以大有爲
之君乘天與之運威以神武綏以文德由是城郭
宮室衣冠禮樂師儒命吏守將戍兵固不周備而
鐘鼓樓未建前都知監深水鄭公忠作鎮於茲歷
十五年爲成化癸巳公於暇日訪求故老知其故
址於城之北隅正街蓋自前元嘗爲順元都元帥
府所建土城樓國初展其城於今北門而廢夷其
廢址世遠人亡無以考其沿革公以是役謀於巡
撫都憲宋公總戎都督樊公經總接待顧梁公
澤既協其謀而三司僉以爲然經始於是年四月
八日鑿石南郊掄材北野陶於肆冶於塲役匠與

夫必更番而不再籍既食而又貨之有若傭者訖
工之日是爲明年甲午五月七日樓基以石爲臺
高六尺周方一十六丈有奇虛其中以爲通衢屋
重其簷通高五丈有奇廣與之等而深則殺其五
之二焉鑄爲大鐘者一製爲大鼓者四又走使
南募匠製爲銅壺滴漏俱以良日懸鐘寘鼓於
而奠壺於其下自是暮鼓晨鐘更漏有準節候
爽晝夜分明遠近之人莫不聳觀而趨聽使夫
公者不失其夜寐夙興之期養生者各遂其出
入息之候又外而使椎結之衆襁負其子而來環
而觀之若龍蟠亢踞鯨吼雷轟莫不改容而奪氣

有以潛消其陸梁梗化之心洵可昭示來許垂之
不朽者於是乎書

重建思州城碑記

盧秩

思州府治春秋時本楚黔中地秦漢吳隋唐以來
郡治州治建置沿革隨時變易莫有定制宋大觀
丁亥蕃部長田祐恭願爲王民始建思州卽今思
南至元間白龍泉坪改置思州宣撫司於此天朝
鼎命率土賓王洪武壬子改思州宣慰司永樂壬
辰嗣宣慰者肆惡干羅憲典遂革宣慰司爲思州
府入隸貴藩而領四司自是典郡者率天子命吏
然而後先相代徃徃視廨宇如傳舍間有草創復